

جَزَائِرَ مَحَاكِمَتِ

❖ صالئ ❖

نومرو	ذئ القعدہ	سنہ	ایلول	سنہ	صحیفہ
۱۶۸	۱۳	۱۲۹۹	۱۴	۱۲۹۸	۱۳۳۷

❖ اشبو غزئته بهر هفتہ صالئ کونلری چیقار . سنہ لکی مجیدی اچہ التمش غروشدر بهر نسخہ سی التمش ❖
❖ پارہ مجیدی به اولہرق هر یرده صاتیلور . درج اولنه جق اعلاناتک بهر سطرندن ایکی غروش النور . ❖
❖ سنہ لکنه مشتری اولق استیانلر عدلیه نظارت جلیله سی اوراق مدیر لکنه مراجعت ایتلیدر ❖

(توجیہات عدلیه)

قسطنونئ ولایتی عدلیه مفتشلکی بک اوغلی بدایت
محکمہ سی رئیس اولی سابق عزتلو ادیب افندی
وان ولایتی عدلیه مفتشلکی بغداد عدلیه مفتشی
اسبق صالح افندی توجیہ بیورلشدر

(یوز التمش یدنجی نومرولی جریدهء محاکمه)

(مندرج اعلامک بقیه سی)

اعلام مستأنف بھده داوید مجار ذہنہ با اعلام
الاجعی اولان بیک بشیوز عدد عثمانلی لیراسنک تأمین
استیفاسی ضمنده مدیون مر قومک پارسده (انترہ
بودیلا ویت نام ویوده وشاطو نام کر کده ومخدومی
ایساق مجارک ساکن اولدیغی روبیتر نام زقاقده هوتل
تسونده وسائر محلده موجود انتیقه به دائر قالیچه
وسجادہ وسائر امتعه واموالده مطلوبہ کفایت

ایده جک مقدارینی تحت ججزہ الديرمش اولدیغندن
بمثله ججز موضوعک تصدیقنی مستدعی اھارون
پاپانینک اعطا ایلدیکی عرضحال اوزرینہ طرفین
کلہرک اجرا قلنان محاکمه لرنده مدعی علیہ اموال
مذکورہ کندوسنک اولدیغی جھتله بو بایده کندوسنہ
خصومت توجہ ایتیه جکندن اعطای جوابه مجبور
اولہ میہ جغنی اخطار ایلش ومدعی خصمنک مقدا
تقدیم ایلدیکی استدعاہ اموال مجبوزہ کندوسنک
ایدوکنی اعتراف ایلدیکی جھتله ججزک تصدیق لزومنی
طلب ایلسنک اوزرینہ مدعی علیہ بحتہ شروع ایله
مدعی بوندن اقدامدخی اشبای مذکورہ بی تحت ججزہ
الديرمش ومدت نظامیہ سی طرفندہ استدعا تقدیم
ایتدیکی اجلدن ججزک فکنه قرار ویرلش اولدیغندن
مدعینک تکرار ججز وضع ایتدیرمکه حق وبناء علیہ
ججزک تصدیقنی طلبہ صلاحیتی اولمامغله استدعاسنک
ردینہ وججز اخبرک الغاسنہ حکم اولنمی اقتضا
ایده جکنی و برده اشبای مجبوزہ مخدومنه طائد وججز

قرار و برلسی بولسز کورندیکنه و خصمک جزک اجراسنه داراستحقاقی اولدیغنی بیان ایندیکی اعلامک قغنی محکمه اعلامی اولدیغنی و مائی ندن عبارت ایدوکنک اعلام مستأنف بده کوسترلماسی اعلام مذکورک مفسوخیتنی مستلزم اسابدن بولندیغنه و مستند جز دنیلان اعلام بیک بشیوز لیرا اله جغنی اولدیغنی ناطق اولسه اوچنجی مجلسدن اوچ قطعنه بونویه استناداً و یریلان فی ۲۸ کانون ثانی سنه ۹۷ تاریخلی اعلام غیابینک اعطاسنه حاجت و اعلامک فقدانیه جزک وضعنه محل اولمیه جغنی بدیهی و بارز و اساس دین تحت اقراره التمسین جزک تصدیقی غیر جائز ایدوکنه و کندوسی مستأنف علیهک افاده سی وجهله اوچ قطعنه بونو ایله بروجهله مدیون اولدیغنی کبی ذکر اولنان بونوردن بشیوز لیرانغنی دخی حکمدن ساقط اولدیغنی و دیگر بیک لیرالی ایکسینک تجارت محکمه سنه - واله سی حقنه استیناف جنحه قسمجه قرار و یرلیدیکی واشو قرار ارون بابانی طرفندن بالقبول صورت قطعیه بی احراز ایدرک بعده محکمه تجارتدن حکم غیابی مذکور استحصالی قلدیغنی میدانده ایکن اندن مقدم انسان و حکمی مفسوخ بولنان بر اعلامه مستنداً جزک تصدیقی قلمسی علناً مخالف نظام بولندیغنه بناء اعلامک فسخیه جزک تصدیقی حقنه کی استناداسنک ردینه قرار و برلسی طلب اولمشدر

مستأنف علیه وکیلک لایحه جوابیه سی اجرای جزده دایندن کفیل التیق و محکمه دن تحریراً رخصت و یرلک و دینک مقداری معلوم و داینک ذاته مخصوص اولق مشروط اولوب شرائط مذکوره تمامیه اجرا قلمش اولدیغنی جهتهله جز واقع موافق قانون اولدیغنی و اموال منقوله غیر معلومه نیک اجرای

واقعدن طولای مدعیدن ضرر و زیان طلب ایتک صلاحیتی مخدومه راجع اوله رق بونک ایچون مدعی هر قوم علیهنده مخدومی اقامه دعوی ایدوکنکی سویلار یله ایجابی لدی التامل مدعی علیهک مقدا تقدیم ایلدیکی عرضحالده اموال مذکوره کندوسنک ایدوکی مدعی علیه جانبدن اعتراف قلدیغنه و اجرا قلنان محاکمه مدعینک مدت نظامیه سی ظرفنده جزک تصدیقی ایچون استعدا تقدیم ایتدیکی اکلاشغله وضع ایلدیکی جزک فککنه مقدا قرار و برلسی ایسه ده مؤخرأ ایکنجی دفعه اوله رق مدعی طرفندن جز وضع ایلش واشبو ایکنجی جزک تصدیقی ایچون مدت نظامیه سی ظرفنده عرضحال تقدیم قلمش اولدیغنه و برنجی جزک فکی ایکنجی دفعه شخص مدعی بی جز وضع ایتدیمرک صلاحیتدن محروم ایدوکنه جکنه مبنی مدعی علیهک درمیان ایلدیکی ادعا شایان التفات کور یله مدیکندن ردیله جز موضوعک تصدیقنه منقفاً قرار و یرلیدیکی محرردر

مستأنفک لایحه سنده جز واقع اموال غیر معلومه اوزرینه وضع اولمشیه بوکبی جزک مشروعیتی اموال غیر منقوله یه وضع ایدوکنسه مشروط اوله رق شو حالده شرطک عدم تحقیق مشروطک عدم تحقیق مستلزم ایدوکنندن جز مذکور مغایر قانون بولندیغنه و کندوسنک درجه اولی محکمه سنده کی مدافعه سی جزک عدم مشروعیته برابر جزک ادعا اولنان اموالک پارسده بولنان اوغلی ایساقک مالی اولدیغنی جهتهله عدم جوازندن عبارت ایدوکننه و فرض محال اوله رق اعطا ایلدیکی عرضحالنده مار کندوسنک اولدیغنی اقرار ایلش اولسه دخی اقرار واقع اوغلی حقنه اولمیه جغنی درکار و کندی نامه وقوع و جزک مغایرت قانونیه سی آشکار ایکن جزک مشروعیته تصدیقنه

جزنده وضع یدشرطی اولسی حقنده درمیان اولنان قضیه حقنه جز فصلنده برقاعده قانونیه اثری اولدیغنی و خصمک اموال مجبوزه اوغلتک ایدوکنه دائر اولان افاده سی عرضحالنده محرر اقرار یله حکمسز قالدیغنی کبی مجله احکامجه کشی اقرار یله ازام اولنه رق اقرار دن رجوعی دخی صحیح اولمیه جغنی و خصمک اموال مذکوره کندوسنک اولدیغنی انکار ایله اوغلتک ماننک فک جزینی ادعا ایدوکنک ایچون صفت و وکالتی اولدیغندن و مرادی شهادتدن عبارت ایسه اصلک فرعی شهادتی غیر جائز ایدوکندن بواعتراضک دخی وارد اولدیغنی و جزک تصدیقنه دلیل اولان اعلام جزک تصدیقی کوننده غیاباً اعطا اولنان اعلامه مستند اوله رق اعلام مذکورده تصریح محل اولدیغنی و اعلام غیابی بونور حقنه کی دعوانک استیناف جنحه دن محکمه تجارتیه حواله قلمسی اوزرینه محکمه دن استحصالی قلدیغنی و جزک تصدیقنه اساس دین تحت اقراره اولدیغنی یعنی دینک و جزک تصدیقی حقنه کی اعلامک تاریخل یله مثبت ایدوکی جهتهله اعلام مذکورک تصدیقی حاویدر

طرفین استجواب اولندقه مستأنف وکیلرندن شهری افندی خصمک با اعلام الاجغنی اولدیغنی حقنه استناد ایتدیکی اعلام لایحه سنده محرر بولندیغنی وجهله اوچنجی محکمه تجارتک اعلام غیابیه سی اولوب مقدا بیلرنده جریان ایدن معاملاتیه دائر تعاطی قلنان مقاوله سننیک شق ایدلسندن طولای موکلنک اجرای مجازاتنه و بو بایده مصلحون توسطیه موقتاً موکلندن التان اوچ قطعنه بونونک حاوی اولدیغنی بیک بشیوز لیرانک تحصیلنه دائر در سعادت مرکز بدایت جزا دهره سنندن و یریلان و استیناف جنحه قلمندن

حکمی فسخ اولنان اعلام ایدوکنی و اعلام غیابی مذکورک جزک تصدیقنه صکره استحصالی قلدیغنی و کندولری درجه اولاده خصمک با اعلام اله جغنی اولدیغنی بیان ایلدیکی اعلامک استیناف جنحه دن فسخ ایله موکلنک براتی تحقیق ایدرک ذکر اولنان بونوردن بشیوز لیرانغنی حکمسز لکنه حکم ایلدیکی وشو حالده مدعینک جزک تصدیقنه دائر اراهه ایلدیکی دلالتک اصلی اولدیکی و موکلنک مالی دیو جز تحتیه انسان اموال دخی مخدومنک اولدیغنی جهتهله بو بایده موکلنه خصومت توجه ایدمیه جکندن اول امرده شو جهته حقنه برقرار و برلسی درمیان ایلدیگری حالده بواقاده رینه حواله سمع و اعتبار اولتمسین جزک تصدیقنه حکم ایدلسی مغایر قانون اولوب چونکه جزک تصدیقنه اساس اتخاذ قلنان اعلامک مفسوخ اولدیغنی وشو تقدیرده اساس دینک غیر مثبت بولندیغنی محکمه بیلدیکی جهتهله جزک تصدیقی ایجاب ایتدیجکی کبی اموال مجبوزه موکلنک مالی اولوب اوغلتک اولدیغنی و بو بایده موکلنه خصومت توجه ایتیه جکی و بوندن متولد ضرر روزیانک موکلنه دائر اولمیه جغنی میدانده طورر ایکن جزک تصدیقنه حکم اولمشی و برده خصمک اله جغنی مقدار اموالی جز ایتسی لازم کلور ایکن علی الاطلاق بر طاق اموالک جز ایدلسی و بومقوله اساس اولیان برشی اوزرینه جزک تصدیق قلمسی و محکمه موکلنک اعطا ایلدیکی بر عرضحال اوزرینه حکمی بنا ایدوب حالبوکه بو عرضحال موکلنه اراهه ایدلک کدن و اولوب ایله کی افاده سی استماع قلدیندن و مدعی دخی جزک تصدیقی واله جغنی ایما ایدر برشی ابراز ایدلک دن صکره جز موضوعک تصدیقی طرفنه کیدلسی ایجاب مصلحتدن بولندیغنی حالده بورا ره رعایت ایدلماسی بولسز کورندیکندن اعلام

مذکور فسخیله حجز موضوعتک فکنه قرار ورلسنی بیان ایله فی ۸ ایلول سنه ۹۷ تاریخی برقطعه سکوسترو ورقه سی اراه ایدرک لدی المطالعه داوید بحار ذمتنده در سعادت بدایت محکمه سنک فی ۱۷ حزیران سنه ۹۷ تاریخی اعلامی موجبجه مطلوبی اولان بیک بشوز عدد عثمانلی لیراسنک تأمینی ضمننده داوید بحار پارسده بولنان برطاقم اموالک اهارون پاپانی طرفندن تحت حجزه التدیغنی محرر بولمقدن ناشی نه دیدجکی مستأنف علیه وکیلندن صورلدقده موکلنک او چ قطعه بونو ایله خصمی ذمتنده بااعلام الاجنی اولهرق مبلغ مزبورک تأمینی ضمننده موکلی مدیونک برطاقم اموالی تحت حجزه المش اولدیغنی ومؤخرأ محکمه موکلنک الهجقلی اولدیغنه قناعت کتوره رک حجزک تصدیقنه حکم ایتدیکنی و اموال محجوزه ایسه خصمنک ایدوکنی عرضحالنده اقرار ایتدکن صکره بواقرارندن رجوعی بجه احکامجه غیر جائز کورندیکنی و جزا محکمه سی اعلامی استیناف جنجه دن فسخ ایله بونوردن بشیوز لیرالغنک حکمدن ساقط اولدیغنه قرار ورلش اولسه یله جنجه قسمجه ایشک اساساً محکمه تجارتیه عائد اولدیغنی بیان ایدلسیله ذکر اولنان بونونک مفسوخیتی ایجاب ایتیه جکنه و اینسه دخی دیگر ایکی قطعه بونو ایله یته بیک لیرا الهجنی قاله جغه و حجزک تصدیق ضمننده موکلنک اولکی استماعی اعطا ایلدیکی صره ده جزا اعلامی هنوز فسخ ایلدیهرک محکمه ایسه جزا دأره سنده بولنان اوراقی جلب ایله مطالعه ایلدکن صکره حجزک تصدیقنه حکم ایتدیکنه و درجه اولاده خصمی طرفندن دین حقنده برشی بیان اولمیهرق بالکر مالک کندوسنک اولدیغنی بولنده مدافعه ایلدکن ضمناً بیک بشیوز لیرادینی اعتراف ایتش دیمک ایدوکنه و موکلی حجزک تصدیق

ایچون معتبر کفیل اراه ایدرک حجزی تصدیق ایتدردیکنه و حجز نامدک بالاسنده محرر محکمه تک قرارنده مستدعینک عرضحالنده مسطور محلرده موجود اموال دن الهجنی اولان بیک بشیوز لیرالی مالک پارس سفارت سنیه سی معرفتیه سکوستروسنک اجرا اولمسی محرر اولسنه نظراً ذکر اولنان درکنار خصمنک افاده سی وجهله موکلنک اوله علی الاطلاق مالی حجز تحتنه الدیغنه دلالت ایده جکنه مبنی اعتراضات مذکوره شایان التفات اولدیغندن ردیه اعلامک تصدیقنی بالبیان اولباده اموال محجوزه تک کندی مالی ایدوکنی اقرار ایتدیکنه دأره انقیه سی بحار اضالی وفی ۳۱ اغستوس سنه ۹۷ تاریخی برقطعه عرضحال ابراز ایدرک بعدالمطالعه مستأنف وکیلرندن مریم قولی افندی موکلی درجه اولاده مال محجوز کندوسنک اولدیغنی جهته کندوسنه خصومت توجه ایتیه جکنی درمیان ایتسنه نظراً محکمه جه بوباده برقرار ورلد کجه ایشک ایلروسنه کیدیله میه جکنی و حجز حقنده کی استماع صورتنک شخص ثالثه تبلیغی نظاماً مقضی ایدوکندن اول امرده بواسطه مالک تبلیغ ایدیلوب ایلدیکنک بیان اولمسی لازم کله جکنی و مستأنف علیه وکیلی حجز نامه خارجیه کتابتی معرفتیه ارسال قلوب فقط شخص ثالثه تبلیغ اولنوب اولمدیغندن کندوسنک معلوماتی اوله میه جغنی و مریم قولی افندی حجزدن طولابی کیمک متضرر اولوب اولدیغنی بیلنک ایچون اصول محاکمه جه استماعنک بر صورتی شخص ثالثه تبلیغ اولنقی ومؤخرأ جواب التقی ایجاب مصلحتندن بولدیغنی و شهری افندی دخی خصمی الهجنی ثابت اوله میه جغنی برزمانده حجز اجراسنه قیام ایلدیکندن خصوص مذکور دأره تنظیم قلنان اعلاماتک تاریخیلرینه مراجعت ایدلسنی اتیان ولدی السؤال

بشقه بر دیه جکلری اولدیغنی تذکار ایلر یله محاکمه لرنک ختام بولدیغنی افهام اولندی ایجاب کیفیت لدی المذاکره مستأنف وکیلرینک خلاصه اعتراضی خصمنک الهجقلی اولدیغنه دأره استناد ایلدیکی اعلام حکمی منسخ اولدیغنی کبی محکمه تجارتک اعلام غیایسی دخی حجزک تصدیقندن صکره وقوعبولدیغنی و مال محجوز موکلنک اولدیغندن موکلنه خصومت توجه ایتیه جکی درجه اولاده درمیان اولمش ایکن بوباده برقرار ورلکسزین حجزک تصدیق جهته کیدیلدیکی و محکمه موکلنک عرضحالنده محرر اقرارینه مستندأ حجزک تصدیقنه قرار ورمش ایسه ده عرضحال مذکور مندرجاتندن اوله اقراره دأره معنی استخراج اولنه میه جغنی و تحت حجزه التهجق مال داینک الهجنی مقدار دن عبارت بولنقی لازمه دن اولدیغنی حالده علی الاطلاق حجز ایلدیکی و حجز نامه تک بر صورتنک شخص ثالثه تبلیغ ایدلسی ومؤخرأ اندن جواب التمسی نظامی اقتضاسندن بولمش ایکن بوبولده بر معامله وقوعبولدیغنی جهته لره اعلام مذکورک فسخی صورتنده ایسه ده مستأنفک مقدما درجه اولی به تقدیم ایلدیکی عرضحالده اموال مذکورنک کندوسنه عائد ایدوکی اعتراف قلندیغنه و اجرا قلنان محاکمه ده مستأنف علیهم مدت نظامیه سی ظرفنده حجزک تصدیق ایچون استماعاً تقدیم ایتدیکی اکلانشغله وضع ایلدیکی حجزک فکنه مقدما قرار و یراش ایسه ده مؤخرأ ایکنجی دفعه اولهرق مستأنف علیه طرفندن حجز وضع ایداش واشبو ایکنجی حجزک تصدیق ایچون مدت نظامیه سی ظرفنده عرضحال تقدیم قلنش اولدیغنه و برنجی حجزک فکی ایکنجی دفعه شخص مدعی بی حجز وضع ایتدیرمک صلاحیتندن محروم ایده میه جکنه مبنی مستأنف وکیلرینک درمیان ایلدکلری

اعتراضات شایان التفات اولدیغندن ردیه اصول محاکمه حقوقیه قانون موقتک یوز طقسان التجمی ماده سنک فقره اولاسی احکامنه توفیقاً اعلام مستأنف بهک تصدیقنه وارن بشک جزای نقدی ایله مصارف محاکمه اولهرق زیرده مریم اوچیوز قرق بش غروشک مستأنفه رجوع ایتک اوزره مستأنف علیهدن التسنه دأره درجه ثابیده فی ۳۰ ربیع الاخر سنه ۹۹ وفی ۸ مارت سنه ۹۸ تاریخنده متفقاً ویریلان قرار بوکون طرفین وکیلرینه تفهیم قلندی

- (فی ۶ رجب سنه ۹۹ وفی ۱۲ مایس)
- (سنه ۹۸ تاریخله در سعادت بدایت محکمه سی)
- (برنجی حقوق دأره سنندن ویریلان اعلامک)
- (صورتیدر)

مرجانده چقور خانده مقیم امیرجی سلطان اولادندن شیخ اسماعیل افندیک فی ۱۸ مایس سنه ۹۷ تاریخله در سعادت بدایت محکمه سی برنجی حقوق دأره سنه ویردیکی عرضحالده بوزخاد سنجاغنده واقع امیرجی سلطان حضر تلری وقفی سکر یوز سنه دنبرو مستشاطر و تیلهرق شمیدی به قدر متولیرلی طرفندن بالاداره امثالی وجهله خزینه واقف همایونه سنوی ایکی بیک سکر یوز الی غروش بدل مقطوع ویرلکده اولدیغنی حالده بوکره خزینه مشارالیه شرط واقف و تعادل قدیمه والده بولنان برات و اوامر علیه احکامنه مخالف اولهرق و قفک اداره سنه مداخله و ذخائر موجودنک فروختی ضمننده محلنه تلغراف کشیده انش اولدیغنی و بواسیسه و قفک تلافیسی غیر قابل برضررتی مستلزم بولدیغنی بیانیله خزینه مشارالیه جانندن بر وکیلک جلبیه اول امرده

ختمام مصلحه دكبن مذکور ذخائرک منع فروختی
لزومك تحت قراره التمسيله برابر ذات دعواك
دخی تدقیق و محاکمه سبيله احقاق اولمسی استمدعا
قلمشدر

دعوت واقعه اوزرینه مدعی طرفندن بالجمله درجات
محاکمه بدایه و اعتراضاً و اعاده و تمیراً محاکمه به
ومدعی ومدعی علیه صفتیه هر نوع اوراقی اخذ تبلیغه
ومتوقف اولدیغی امورک کلیسی اجرایه مأذونیتله
باشنده صدق شهری افندی خزینه مشارالیه جانبدن
دخی وکیل رسمیه عزتلو حسین حسینی افندی وکاله
کلیدیلر مدعی عمومی معاونی وکیلی درویش افندی
حاضر اولدیغی حالده مدعی وکیلی عرضحال مذکورده
محرر دعوائی شفاهاً تکرار اتمسی اوزرینه خزینه
جلیله وکیلی متولیلر ایله اوقاف نظارتی بیننده بولنان
دعاوینک محلیجه مدعی عمومی حاضر اولدیغی حالده
برنهج شرعی رؤیتی لازم کله جکئی تذکار ایلدی

مدعی وکیلی جواینده کرچه تولیت ورقیه و قعه دائر
دعاوینک مرجع رؤیتی شرع شریف ایسه ده
کندولرینک دعوائی تعامل قدیمه اولنان مداخله نك
منعنی طلبدن عبارت اوله رقی بوده محاکم نظامیه به
عائد ایدوکنی افاده خزینه وکیلی دخی عرضحالده
ذات دعوايه باقلمسی طلب اولنیورسه ده ذات دعوائی
رؤیت رقبه یی رؤیت دیمک اوله جغندن بودخی
حسب القانون شرع شریفه راجع ایدوکنندن بالبحث
دفع سابقی اعاده ایلدیلر

مدعی وکیلی تکرار افاده مبادرتله عرضحالده مندرج
دعوانک ذاتی تعامل قدیمه ایدیلان مداخله نك منعی
طلبدن عبارت و فی ۱۸ شعبان سنه ۹۶ تاریخلی
تذکره علیه قنغی دعواوینک شرعه عائد اولدیغی
مصرح بولندیغی بیان و تعامل قدیم بدلرنده

بولنان اوراق رسمیه ایله ثابت ایکن خزینه نك
مداخله سی نیه مستند ایدوکنی سؤال وایکی قطعه
فرمان عالی ابراز و بوکاجواباً خزینه وکیلی هر تقدیر
برالقی بااراده سزیه حاصلات وقف متولی به
ویرلمش ایسه ده مشار البهک و قفی مستنا و قفلردن
اولدیغندن خزینه نك حق قبضی بولندیغی و خزینه نك
وضع یدی معمول به و قبه به مستند ایدوکنی در میان
ایلدیلر بیان اولنان وظیفه ماده سنه نه دیه جکری
استفسار قلندقدقه مدعی وکیلی اساسه کریشلدیکی
جهتله خزینه وکیلنک دیه جکی قالدیسه ده محکمه
رؤیت کیفیته کندوسنده صلاحیت کوره مزایسه
اولسایده برقرار ویرمسی لازم کله جکئی خزینه
وکیلی دخی اکادائر قرار ویرلدکن صکره ایجابنه
باقه جغنی مومی ایله درویش افندی دخی قانون
اساسینک سکسکس بشنجی ماده سی حکمجه خصوص
مستدعائک رؤیتی محکمه نك وظیفه سی داخلنده
ایدوکنی سویدیلدیلر ایسه ده مدعینک تولیتنه دائر
مبرز فرمان عالیله بر اشارت اولمیوب بالکر مشار
ایله حضرتلری درگاه شریفی مشیختک حصص
متعدده سندن بر حصه به تصرفی ناطق بولدیغندن
موکلنک تولیتنی مثبت اوراقی مدعی وکیلندن
صورلدقدقه آبروجه تولیت براتی اولمیوب موکل
مشیخت حصه داراننک رئیس اولوب اوتنه دنبرو
تولیت و امور و قفی اداره رئیس بولنانله عائد ایدوکنی
افاده ایلدیکنندن افاده سنی مصدق اوراقی وارایسه
ابراز اتمسی مدعی وکیلنه و لاجل المعاینه و قبه یی
کتورمسی دخی خزینه وکیلنه تنبیه قلندی

طرفین وکیللری تکرار کلمسیله مدعی عمومی معاونی
راسم بک حاضر اولدیغی حالده محاکمه سابقه ده
کتورمسی لزومی بیان اولنان اوراقی مدعی وکیلندن
طلب اولندقدقه بر قطعه دفتر خاقانی صورتیه فی ۸

شوال سنه ۹۷ تاریخلی یوزغاد مجلس اداره سنک
مضبطه سنی ارأه ایلدیکنندن لدی القرائه ملک دانشمند
غازی زماندنبرو زاویه مزبور نك مشیختنه اولادیت
اوزره امیرجی سلطان اولادی متصرفلر اولوب جله
وقفک ضبط و قبضی و مصارفی شیخی النده ایدوکی
مذکور صورت دفتردن والیوم شیخ دوستی مستدعی
مومی ایله بولندیغی دخی مضبطنه مزبوره دن مستبان
اوله رقی خزینه وکیلنه ارأه سبيله استفسار قلندقدقه
کرچه صورت مبرزه معتبر ایسه ده مشیخت
حصه داراننک تعیین و وظائفنه متعلق بولدیغندن ادعایه
کسب صلاحیت ایچون تولیتنی اثبات لازم کله جکئی
سویدیلدی

مدعی وکیلی جواینده موکل مشیخت حصه دارانندن
بولندیغی جهتله دعوايه صلاحیتی درکار ایکن امور
وقفی اداره بالفعل مشیختده بولنانلره راجع ایدوکنی
صورت دفتر خاقانی ایله و موکلنک بالفعل مشیختده
بولندیغی دخی مضبطنه مذکورده ایله بالاثبات صفت
لازمه اصلیه یی تقویه ایلدیکنندن دیگر کونه سرد
دلأله احتیاج قالدیغنی معاون مومی ایله دخی اوراق
مبرزه دعوايه کافی ایدوکنی تذکار خزینه وکیلی ایسه
افاده سابقه سنده اصرار ایلدیلر مدعی بالفعل
مشیختده بولنه رقی امور و قفی اداره دخی شیخ دوستی به
عائد اولدیغی اوراق مذکورده مألرندن مستبان
اولمسیله دعوايه صلاحیتی بولندیغی بالتذکر
قرارلشدر یلوب تفهیم ایلدکده خزینه وکیلی محکمه
جانبدن نمقدار ایضاحات طلب اولنور ایسه شفاهاً
وتحریراً اعطایه مقتدر ایسه ده فی ۲۵ اغستوس
سنه ۹۵ تاریخلی تذکره سامیه موجنبجه دعواک
مرجع رؤیتی شرع شریف ایدوکنی تکرار و مدعی
وکیلی دخی بوبایده ایجاب ایدن جواب ویرلدیکنندن
محکمه نك قرارینه انتظار ایله جکئی تذکار و هند

السؤال معاون مومی ایله دخی سلفی افندی نك افاده سی
وجهله محاکم نظامیه عائد ایدوکنه دائر بیان
افکار ایلر ایله بوجهت حقیقده محاکمه لری نك ختمای
کندولرینه افهام قلندی

ایجابی مذاکره و خزینه وکیلنک مستند بهی اولان
محررات عمومیه یکیدن قرائت و مطالعه قلندی کرچه
اوقاف صحیحه دن مستغفات و مستغلات حقیقده وقوع
بوله جق دعواوینک مولا معرفتیه رؤیتی اقتضا ایدن
خصوصات محاکم نظامیه وظائفندن مستنا اولوب
انجق خصوص مستدعا حاصلات و قفه خلاف تعامل
قدیم مداخله وقوعندن بحث و شکایتله نظارت
جلیله نك منع مداخله سنی طلبدن عبارت بولندیغنه
واشخاص ایله حکومت بیننده حدوث ایدن دعاوینک
رؤیتی وظیفه داخلنده ایدوکنه بنسأ محکمه چه
باقلمسی لزومنه متفقاً ویریلان قرار مؤخر استیناف
و تمیر محکمه لرنده بالتدقیق تصدیق اولندیغی تمیر
حقوق دائره سنده ارأه اولنان فی ۵ تشرین ثانی
سنه ۹۷ تاریخلی اعلانندن کلاشلی طرفین
وکیللری مدعوا کلمسی اوزرینه مدعی عمومی معاونی
راسم بک حضور یله مدعی وکیللری شهری و طروس
افندیلر اساس دعوائی تکرارله صاندریلان زخایر
ائمانی محلی مال صندیغنه موقوف اولدیغندن موکلنه
تسلیمی و مداخله واقعه نك منعی خصوص نك تحت
حکمه التمسینی طلب ایلدیلر

خزینه جلیله وکیلی دخی جهات قلنک مدعی یدنده
بولنان درکناری قرار سابقک استیناف و تمیر
محکمه لرنبجه تصدیقنی استلزام ایلدیسه ده برچوق
قیود عشیقه درکنار مذکورک خلافنده اوله رقی
بالاطراف اخراج اولنق اوزره مذکره تقدیم
ایلدیکنندن دسترس ایلدیکننده اعاده محاکمه ایله جکی
(بقیه سی صکره)

اعلانات

محمد امین ورثه سنك برنجی حقوق دائره سنندن اعطاقلنان اعلام موجبنجه عائشه لطفیه خانمہ دینلری بولنان مبالغ معلومه نك تأمین استیفا سی ضمنده مرهون و فروختی محکوم اولان تحتہ قلعہ دہ قاضی خانی قارشو سننده کائن صاغ طرفی مصطفی افندی نك چلنکر و صوا طرفی حاجی صمد افندی نك فستجی دکانلریله ارقه سی رمضان اغانک قهوه خانہ سی واوکی طریق عام ایله محدود طقسان نومرو ایله مرقم بر باب بر بر دکانی کدیکی بوندن اقدام مزایده قونیلہرق لیرای عثمانی یوز غروشدن یدی بیک ایکویوز الی غروشدہ طالی عہدہ سننده تقرر ایلدیکندن یوزده بش ضمیلہ کدک مذکورہ زیادہ یه طالب اولنلرک تاریخ اعلاندن اعتباراً اوتوز بر کونه قدر دائریه مراجعت ایللری در سعادت بدایت محکمہ سی اجرا مأمور یتندن اعلان اولنور فی ۱۶ اغستوس سنہ ۹۸

مغازہ جی دینت نك قسطی و زوجہ سی فوطیقہ قدین ذمتندہ با اعلام الاجعی اولان مبالغ معلومه دن طولایی فروختی مقرر اولان مز بوره نك چنکل قریبہ سننده چنکل کوی جادہ سننده یوز یکر می سکز نومرولی خانہ تحتندہ اولوب یوز اوتوز نمرو ایله مرقم بولنان قهوه دکانندہ اولان ربع حصہ سی عند المزایده یکر می بش عدد عثمانلی لیراسی بدل ایله طالی عہدہ سننده تقرر ایلش اولدیغندن تاریخ اعلاندن اعتباراً اوتوز بر کون ختامندہ قرار قطع سی و یریلہ جکندن مدت مذکورہ ظرفندہ یوزده بش ضمیلہ زیادہ یه طالب اولنلرک اسکدار اجرا دائره سنہ مراجعت ایللری

فی ۱۶ اغستوس سنہ ۹۸

کیغورقک محمد اغایہ دینی بولنان مبالغ معلومه نك تسویہ سی ضمنده مدیونک متصرف اولوب فروختنہ موافقت ایلدیکی حاصکی جادہ سننده باشجی محمود افندی محله سننده کائن التمش یدی نومرولی دکانک نصف حصہ سی بوندن اقدام موقع مزایده یه قونیلہرق یکر می سکز لیرا بدل مقابلندہ طالی عہدہ سننده تقرر ایلدیکندن یوزده بش ضمیلہ زیادہ یه طالب اولنلرک تاریخ اعلاندن اعتباراً یکر می بر کونه قدر در سعادت بدایت محکمہ سی اجرا مأمور یتنہ مراجعت ایللری اعلان اولنور

فی ۵ ایلول سنہ ۹۸

ساته نيك قدینك افتیک قدین ذمتندہ الاجعی اولان مبالغ معلومه نك تسویہ سی ضمنده مدیونک چارسوی کبیرده امیر شاه زقاندہ کائن اون نومرو ایله مرقم فراجہ جی دکانندہ بولنان نصف حصہ سی بوندن اقدام مزایده یه قونیلہرق لیرای عثمانی یوز غروشدن التیوز غروشدہ طالی عہدہ سننده تقرر ایلدیکندن یوزده بش ضمیلہ بوندن زیادہ یه طالب اولنلرک تاریخ اعلاندن اوتوز بر کونه قدر دائریه مراجعت ایللری در سعادت بدایت محکمہ سی اجرا مأمور یتندن اعلان اولنور

فی ۱ ایلول سنہ ۹۸